

本书出版得到国家古籍整理出版专项经费资助

清代吏治史料

线装书局

官员管理史料 三三

清代吏治史料

綫裝書局

新學
社
PDG

駐劄長沙府城廵撫湖南等處地方提督軍務兼理糧餉都察院右副都御史加三級臣王國棟謹

題

爲特恭不職廳員等事竊照永順同知一官專轄苗地撫綏安輯是以責任今訪聞永順土民本年四月十六日擁衆百餘及田王二洞亦聚集多苗在永順南門城外噪嚷四路守寨聲言潘同知酷刑重耗差役下鄉任意苛索滋擾無忌并捉拏衙役臣思現任永順同知潘果前任宜章縣亦屬苗疆居官二載有餘地方安靜是以

題

請補授同知到任甫及二月倏聞苗民聚衆噪嚷聲言酷刑重耗等情雖虛實未的有無別釁但係新歸化之民正當因地制宜加意綏輯何致鼓衆滋事其撫馭失當卽屬不職正在查確糾參據駐劄長沙府城湖南布政使在任守制趙城等各詳報前來與臣訪聞無異再查永順土民旣已歸化官役不法應行呈控何得仍恃頑習擅白聚衆除飭司速查潘果劣蹟有無別釁衙役果否被捉幾人並查拏倡首土民及擾民蠹役密究并

原书缺页

署理山東巡撫印務布政使臣岳濬謹

奏爲恭謝

天恩仰祈

睿鑒事准吏部咨欽奉

上諭川陝總督岳鍾琪統兵進剿準噶爾在西安起程之時著伊子岳濬前往親送伊父至肅州再回山東原任目今著岳濬先期預備候朕再降諭旨到日起身前往西安欽此又准吏部咨欽奉

上諭岳濬著於五月初起身赴陝於二十日之前至西安送伊父岳鍾琪前往肅州候聞七月間岳鍾琪統領大兵起程後岳濬再回山東任所山東巡撫印務交與布政使費金吾暫行署理欽此臣恭設香案望

闕叩頭謝

恩謹於本年五月初六日交印起程除另疏

題報外伏念臣父岳鍾琪渥受

聖恩恭承

審算統師出塞勦寇究頑臣遠隔山東叨署撫篆封疆任重不敢稍懷定省之

私乃仰荷

皇仁曲垂鑒照

特命臣馳赴西安親送臣父前往肅州俾臣父子重會相依數千餘里臣父得

以面加教訓臣得以親觀容顏值此軍務倥傯之時獲有天倫聚順之樂

膺非常之

曠典沐格外之

洪慈自愧驚庸無可報稱惟有益加奮勵力効涓埃以仰答

高原於萬一而已爲此恭疏叩謝

天恩伏祈

皇上聖鑒施行謹具奏

聞雍正七年五月初六日奏五月二十一日奉

旨該部知道

巡撫甘肅寧夏臨鞏等處地方釐理軍務兼理茶馬都察院右副都御史
加四級紀錄二次臣許容謹

題爲特奏貪劣州牧等事竊查州縣官員職司民牧自應潔已奉公革除私
派墮重錢糧庶不致下累民生上悞

國計臣到任後訪查甘省積弊尚未盡除屢行訓誡并嚴加廉訪詎有改縣候
補之徽州知州阿克敦者不遵

功令劣蹟昭彰據布政使孔毓璞按察使李世倬詳據洮岷道吳廷偉署鞏昌
府知府徐洹瀛揭稱甘省奏銷解部飯食銀兩自雍正二年爲始在司庫
公用銀內支給不許派累民間阿克敦藉名私派每年徵錢二百九十六
千九百文歷任五年以錢折銀共得銀一千三百兩又廩生考貢理應自
備盤費阿克敦市惠累民出票科派折給驢頭閭邑共派錢二十七千二
百文經接署知縣江詩韻到任聞知出示禁革廩生楊超榆吳良弼視爲
分內應得扯毀告示咆哮公堂又阿克敦輕視倉儲見有霉爛豌豆二千

六百九十餘石又阿克敦將存留項下應支鳳縣安山所草涼驛并本處夫價銀內每年侵用二百五十兩零歷任五年共侵用銀一千餘兩近因改州爲縣惟恐接任官舉報始行自首等情列款詳揭前來臣查此一官者既借端而科派復市惠以厲民且不慎重倉糧致有霉爛又敢侵蝕夫價私飽囊橐若不嚴叅審擬何以懲戒貪黷除將劣生楊起掄吳良弼移咨學臣魏華并原揭送部外會同督臣岳鍾琪合詞

題叅請

旨將阿克敦革職以便與楊起掄等一併嚴審究擬者也謹題請

旨雍正七年四月二十六日題五月二十一日奉

旨這所叅阿克敦著革職其借端科派霉爛侵蝕等情及本內有名人犯該撫一併嚴審究擬具奏該部知道

署理山東巡撫印務布政使臣岳濬謹

題爲恭報微臣交代日期仰祈

聖鑒事雍正七年四月二十日准吏部咨四月十四日內閣奉

上諭川陝總督岳鍾琪統兵進剿準噶爾在西安起程之時著伊子岳濬前往

親送伊父至肅州再回山東原任日今著岳濬先期預備候朕再降諭旨到

日起身前往西安欽此又於雍正七年四月二十五日准吏部咨四月十九

日內閣抄出怡親王等奉

上諭

岳濬著於五月初起身赴陝於二十日之前至西安送伊父岳鍾琪前往

肅州俟閏七月間岳鍾琪統領大兵起程後岳濬再回山東任所山東巡撫

印務交與布政司費金吾暫行署理欽此臣恭設香案望

闕叩頭謝

恩訖隨於雍正七年五月初六日謹將

欽頒雍正字三十號銀關防一顆自令字六百七十一號起至六百七十八號止

王命旗牌八面桿副并臨清監督閱防一顆閱差

聖訓一道

御製朋黨論清漢書二本連四紙裱的一張

聖

諭廣訓漢字書一本節奉

上諭清漢書十一本清漢公本二通清漢

上諭一卷未用火牌七張部頒錢名世書二本

御賜瑞穀圖一幅及一切錢穀刑名號件文卷并書吏冊籍等項於雍正七年

五月初六日委官濟南府知府金允彝撫標左營遊擊程簡齋送交與布

政司費金吾署理訖臣卽於六日起程前赴西安所有微臣交代起程日

期理合具

題伏祈

皇上勅部查照施行謹具奏

聞雍正七年五月初六日題本月二十一日奉

旨該部知道

題

內閣學士兼禮部侍郎署理江西巡撫印務加一級臣張垣謹
為題明事該臣看得鉛山縣江三一殺死小功堂婦江佛姑一案先限
滿兇犯未獲將鉛山縣知縣張崇撰承緝不力職名咨來本處核辦
正五年八月二十三日緝獲兇犯江三一到案審明解經前撫臣布蘭泰
具

題

奉准部覆監候在案嗣准吏部咨議將鉛山縣知縣張崇撰照例任俸勤
限一年緝拿等因行據該縣詳請咨明開復因查兇犯江三一在未奉部
議之先拏獲隨經據詳咨部今奉准部咨未便據議應令具題到日再議
等情前來相應具

題

聽候部議臣謹會題請

旨雍正七年四月二十四日題五月二十一日奉

旨該部察議具奏

經筵講官太子太保保和殿大學士兼管吏部戶部尚書事加二級臣張廷玉等謹

題

為移慶事該臣等議得內閣交出武備院領取辦買貽絳紅纓一本隨摺內未將理郡王弘哲之名寫出遵

旨詢

問佛倫據佛倫奏稱未將弘哲之名寫出奴才甚屬糊塗不是叩乞將原摺賞給改寫等同奉

旨交該部察議具奏欽此交出到部臣部隨移咨武備院將應行議慶職名開

送過部去後今准武備院將管理武備院事務協理內務府事務委署領

侍衛內大臣佛倫等職名開送前來查定例官員將表文繕寫潦草

不列職名者罰俸六個月等語應將本內不寫理群王之名之管理武備

院事務協理內務府事務委署領侍衛內大臣佛倫管武備院事務兼鑒儀使

散秩大臣公慶復管武備院事務副都統伊篤善均照例於武備院任內罰

三品正卿俸六個月武備院卿兼佐領雷遇春武備院卿白合均照例罰

俸六個月兼駢騎叅領穆克德布照例罰卽中俸六個月員外卽兼穿甲
阿達哈哈當常寧照例罰員外卽俸六個月主事富貴照例罰俸六個月
恭候

命下 臣部遵奉施行臣等未敢擅便謹

題請

旨雍正七年五月二十日題本月二十二日奉

旨佛倫慶復伊篤善俱著罰武脩院卿俸六個月雷遇春白合俱著罰俸六個
月餘依議

提督廣東等處學政右春坊右中允兼翰林院編修駐劄高州府城加一級臣顧仔謹

題

為特恭不法教官徇庇抗糧劣生臨考匿冊事有藐玩徇庇如高州府電白縣學教諭林蕙訓導陳曰璉者臣按試高州據電白縣知縣閔黷傳稟奉文連開抗欠錢糧紳衿已於三月十一日列冊移學轉報計距臣入境之期歷有數日迨臣駐劄高州復又旬餘武生考過文生現經示期接考該學竟匿不申報臣即據稟飛檄飭查方行繳出查冊內所開生監積欠頑抗者共一百九十九名是該教官平時既不能督率令其急公完納臨考又匿冊不報希圖朦混將欠糧之文武舉行收考又生監五名互結首重並無抗糧今該學不行查核一槩加結種種徇庇直視功令為具文不法已極除將冊開該學及有府學之欠糧文生遵例不准收試及將考過欠糧之武生等第扣除同監生一體按名暫革發縣比追完日報核并嚴查混行互結之生監仍造欠糧監生姓名冊送部外所有教諭

林蕙訓導陳曰璉相應特疏糾恭請

旨敕部革職議處以儆溺職者也伏乞

皇上睿鑒施行再照電白縣所隸府學欠糧文武各生該縣未經列冊移報府學該府學教官相應免議至冊內尚開有進士舉人貢生吏員共一十名另咨督臣撫臣處分合并聲明謹具奏

聞雍正七年四月初八日題五月二十二日奉

旨這所叅林蕙陳曰璉俱著革職其徇庇匿冊情由該撫嚴審定擬具奏該部知道

巡察湖北湖南等處吏科給事中加二級臣王瓚謹

單漢

奏臣奉

命巡察專司稽查驛站等項今准湖南巡撫王國棟湖北巡撫馬會伯會內開准兵部等衙門咨開令督撫會同臣等將通省各驛所設差夫果否可以臨時雇覓或長養在站詳查妥議臣已同該撫等以仍循舊例長養在站等因合詞

題請在案但臣查湖廣驛站排損夫役現今雖循長養之名實不能長養在站凡有夫之州縣驛遞不過長養夫頭數名以為臨時召雇之用臣巡察所至悉心籌畫若令各州縣驛站將應過人夫按季申詳照名發價不惟徒滋煩擾且多苦累窮民若令長養之夫必照定額召募在站則每名二分工食不足為仰事俯育之資惟有仍存長養之名使差簡之時得以留其有餘而差煩之日庶可不至貽悞總之驛遞微員以及閭閻小民無一不在

天恩浩蕩之中所有各驛額設夫役實情理合據實具

奏伏乞

皇上睿鑒施行臣謹

奏雍正七年五月二十二日奉

旨據王瓚摺奏驛站夫役一案既已會同該撫等以仍循舊例長養在站合詞具題又稱雖有長養之名實不能長養在站等語王瓚職司稽查驛站之任若確有所見與巡撫意見不同便當自行陳奏倘地方情形實是如此彼此意見相合已經合詞具題而又私具奏摺爲瞻顧遷就之詞則存心巧僞之甚王瓚自巡察湖廣以來所奏事件大率皆虛誕支吾苟且塞責看來不稱巡察之職着調取來京御史唐繼祖現奉差委審理土司事件俟審結之後即著巡察湖廣地方至王瓚朦混具奏之處交部察議具奏